
Alls wacht up een SPD-Mann

IN D' LUUR

Holger Janssen

redaktion@on-online.de



In Südbrookmerland geiht so sacht dat Hauen un Steken los. Söven Mannlüü willen hör Namen in d' Septembermaant up die Stimmzedels bi d' Börgmesterwahl setten laten. Un de Tied, in de een sük bewarven kann, is noch lang nich to Enn. Villicht kummt daar noch de een of anner bi. Man, ganz anners is dat in d' Samtgemeen Brookmerland. Ok daar word in d' Septembermaant wählt. Kandidaten hebben sük daar abers noch nich ückert. Alls wacht daarup, dat SPD-Mann Gerhard Ihmels, de bit nu noch Baas in d' Raadhuus is, seggt, of he dat blieven will. Daar kummt he noch ne mit herut. Een of anner fraggt sük all, of dat en Taktik is, mit de he mögelke Gegenkandidaten piesacken will.
